

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第五九冊

責任編輯：孫言誠 賀 偉

ISBN 7-5333-0535-3



2388/03

四庫全書存目叢書·史部五九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 49.625 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第五九冊目次

史部·詔令奏議類

晉溪本兵數奏十四卷

〔明〕王瓊撰

甘肅省圖書館藏明嘉靖二十三年廖希顏等刻本

一

密勿稿三卷

〔明〕毛紀撰

北京圖書館藏明嘉靖十六年刻本

四三四

辭榮錄不分卷

〔明〕毛紀撰

遼寧省圖書館藏明嘉靖十年寶明刻本

四六七

毛襄懋先生奏議二十卷

〔明〕毛伯溫撰

上海圖書館藏清乾隆三十七年世恩堂刻毛襄懋公全集本

四八八

晉溪本兵數奏十四卷

〔明〕王瓊撰

甘肅省圖書館藏明嘉靖二十三年廖希顏
等刻本

附《四庫全書總目·晉溪奏議

十四卷》提要

晉溪本兵數奏序

少保王恭襄公由進

郎官歷朝四十餘年中間播

遷轉徙凡六歲餘皆公致用

日也所值不同而諸所建白

樹立皆具存牒記故在水部

則有漕河圖誌若干卷在戶

部則有四科十三司條例若

干卷為戶部尚書有戶部奏

議若干卷

賜環為三邊總制有環召新疏

若干卷正德乙亥迄庚辰公

在本兵是時

武廟巡幸屬海內多故內憂外患

並作公處大事決大疑嚴居

守之策驅內侵之虜靖宸藩

之變消權璫之憂震撼倚之
為安而天下恃以無恐此其
為力孔艱而居功不細稽諸
奏議可考而知也然粹不終
篇未及傳布有志於四方者
率以購求為難余入太原因
訪嗣子都事內泉君蒐緝餘
牘屬太原守江君濬為梓完

之通前為卷凡十四首京畿
次遼薊次宣大三關次陝西
延寧甘肅次山東河南四川
南畿兩浙湖廣次江西次閩
粵兩廣雲貴又次則清軍驛
傳馬政而以雜行類終焉嗚
呼備矣鴻創遠思遠猷傑識
上之而昭德塞違下之而安

夏攘夷如公可不謂人傑也
哉古今稱立德立功立言者
為三不朽而皆有次第然而
不可以無今所存皆言也所
言皆事功也蓋行之而後言
言之而必行非章句腐儒剽
掇前人之緒餘以資天下後
世之口實而無益於理亂興

衰之故者可同日語也若是
而謂之立功與言不亦可乎
余什褐公為冢宰選除
命下而公卒海內方嘖嘖然十餘
年來疆場多警

皇上有拊解之思而經營四方之
士往往嘆公不可復作此豈
無本而能然乎哉或曰公為

秀才時即慨然有志當世之務讀書繹文務明體適用不數老生常談舉進士與虎谷白巖諸君子潛心理道有河東三鳳之稱晚年自疏亦云學道未成為仁不熟汲汲之心蓋可見也其甚者樂人攻已之過迺抗疏論救言官不

欲以已故累臺省駁駁乎作法於貞光禪臣節矣然則公曷嘗不完事於立德也哉余固表而出之後有作者可以得公之不朽云

嘉靖甲辰仲秋吉日

賜進士中憲大夫山西按察司提學副使茶陵廖希顏撰

晉漢本兵數奏序

迺正德乙亥太原晉漢王公以大司徒轉大司馬迄戊寅凡三歲天下以地方事告者薊州有朵顏之變江西有醴源之變大同有打魚川之變蜀與貴有普法惡香爐山之變浙之孝豐則湯毛九閩之漳州則詹師富山西之孝義則武廷章而府江兩岸榔桂橫水俱各以變至公悉條奏得宜師行未幾相次削平宿患既除太平有象于是庫部郎中陶君心彙集成帙名曰本兵數奏錄予以已卯年七月入兵曹獲觀全書中間如

朶顏花當戕我邊將守臣相
視莫敢誰何公獨以為漸不
可長冀福全擅亂擲挂守臣
匿不以聞公因胥吏之奏究
問備至橫水翁源樂昌諸處
稔禍滋久公以為非重守臣
之權不可得濟或有欲執招
撫之議者公以為宜剿或有

晉漢本兵教奏序

二

欲申塾庭之計者公以為宜
撫事不中機責在守臣如雷
電震耀威照並行萬里一息
覈實有功則多方陳請祿廩
交豐雖循常格而翁鬱節沛
豁然開明以故人樂為用而
成功甚速今觀敷奏之詞文
不加點治體詳明事無贅語

隱括自在蓋定事在志裁事
在識成事在量公造詣深密
趨向卓毅其志剴論議弘濶
處斷奇中其識遠而包羅巨
細藏納垢汙其量大自古以
奏議名家者唯唐宣公陸氏
宣公以文學之長而發之政
事為有餘公以政事之長而

晉漢本兵教奏序

三

出之文學為有本公於宣公
固不多讓也然宣公在唐始
合終違予嘗病其不能收拾
人心以自隔阻公當
國家負荷之寄而繫中外倚重
之望位日益崇譽日益盛居
上不驕處前不忌蓋宣公遇
適其易而命值其難公時處

其難而才通其易為不同也
 予嘗論之公之運籌決勝可
 比漢之子房而諸守臣戰勝
 攻取之策皆公運籌中事至
 於調食足餉又公戶曹之所
 優為也然則公無三傑而有
 之矣庫部欲予序諸首簡故
 本其所集者說其大意如此

若夫公自筮仕以至今日其
 所樹立大書特書自有太史
 紀載焉

明正德十有四年冬十有一
 月吉日

賜進士出身嘉議大夫兵部右
 侍郎新郛楊廷儀正夫拜手
 書

晉漢本兵數奏目錄

卷一

京畿類

卷二

薊州類

遼東類

卷三

宣府大同類

卷四

山西類

本兵數奏目錄

陝西延寧類上

卷五

陝西延寧類下

卷六

甘肅類上

卷七

甘肅類下

卷八

山東類

河南類

四川類

南畿類

浙江類

湖廣類

卷十

福建類

南贛類

卷十一

江西類

本兵數奏目錄。

卷十二

兩廣類

雲貴類

卷十三

清軍類

驛傳類

馬政類

卷十四

雜行類

晉溪本兵數奏卷一

京畿類

宋史云燕山之地易州西北乃金坡關昌平之西乃居庸關順州之北乃古北關景州之北乃松亭關平州之東乃榆關喻關之東乃金人來路凡此數關天限番漢得之則燕境可保然關內之地平灤管三州自後唐為契丹阿保機所陷以營灤隸平為平州路得燕而不得平州則關內之地番漢雜處而燕為難保矣今紫荊關即宋金坡關山海關即宋榆關古北居庸俱仍

晉溪奏議卷之二

一

舊而松亭關未攷自永樂初遷都于燕是為北京不惟全有關內之地而東盡暨無間之境北出上谷西北至雲中皆為中國巨鎮聚兵戍守又歲漕東南粟數百萬石于京師食足兵強自昔以來未有盛於今日者也然正統己巳胡騎忽薄都城正德辛未群盜縱橫近郊自後車駕巡幸南北兵革繁興供輸勞費人情洶洶不安其為京畿防邊禦盜之術豈不允難矣乎為陳膚見以裨時政事

照得錦衣等衛查勘過弘治十八年以前舊額軍匠

三萬八千四百四十七名正德元年新添四萬一千二百九十四名雜用跟隨人役共一萬三名既該各衛查勘明白內新添軍匠保奉

詔書該查革改正事件合無本部通行各衛將正德元年以後新添軍匠盡行裁革存省京儲仍行戶部查勘雜用跟隨人役內有辦納月錢軍匠查照造冊再行議奏照依給事中王良佐所擬每石折支銀三錢或量加折銀存積本色糧米在倉以備不虞如此庶京儲不至耗費國計可以撙節實為便益伏乞

聖明鑒察俯賜施行正德十年十一月十一日具題

晉溪奏議卷之一

二

奉

聖旨這新添軍匠免裁革以後再不許添補雜用跟隨人役月糧每石准折銀四錢欽此

為砲火聲息事

看得京營總兵官新寧伯譚祐會同太監張永尚書王瓊計議要挑選精銳官軍馬隊二萬員名步隊一萬員名常川操練預備調用少馬一萬七千一百一十五匹先年奏准未領馬二萬三百一十三匹遠行太僕寺作急調取給軍領養聽征及行戶部支與本色草料饋餼臚壯各行事宜各該衙門徑自查照預

備如再聲息緊急該部請

命將官統領庶便啓行等因見今宣大守臣節報虜賊近邊駐牧聲息重大侵犯之舉難保必無該營提督內外官新寧伯譚祐等前項所議事宜俱係先年舊例急當舉行其要請

命將官統領一節尤為當今急務合無本部會官推舉謀勇素著曾經戰陣堪充總兵官者二員堪充左右叅將者四員請

旨各簡命一員請

勅前去團營將見操馬步官軍三萬員名常川操練

晉溪奏議卷之一

三

預備調用中間號頭把總管隊盛甲器械等項壹應軍中合行事宜悉聽今任總兵官用心籌畫選擇調補取用應具奏者奏請定奪本部行文太僕寺上緊調取堪以出戰馬一萬七千八百一十五匹照例印烙交兌見在營不堪馬匹并以後缺馬陸續再取補給行文戶部依擬處置本色草料按月支給饋餼臚壯前項選將練兵事宜專為振揚威武拱護京師若非虜賊大舉入寇不可輕出虛費邊儲待候秋冬虜賊遠遯聲息寧靖本部另行議奏照舊施行正德十一年三月十一日具題奉

聖旨是堪充總兵官的會推兩員左右叅將共推四員來看欽此

為審大計以重本兵事

看得工科給事中翟璜所言添設提督以振軍旅等四事俱係京營要務合就查議明白開立前件伏乞聖裁正德十一年四月二十四日具題奉
聖旨提督官不必添設其餘准議欽此

計開

一添提督以振軍旅前件查得正統十四年為因北虜犯順

晉溪奏議卷之二

四

欽命太子少保本部尚書于謙不妨部事總督軍務

景泰三年該于謙會同武清伯石亨等議得北虜也先背逆天道聚眾近疆若不預為設法選練設使遣將調兵兵不識將意將不識軍情恐號令不一誤事合無於五軍三千

神機營揀選精銳馬步官軍一十五萬分為五營選

揀廉能驍勇之人管領操練俱聽臣等往來提督等因奉

景皇帝聖旨是欽此天順年間邊方寧靖十二營罷立總督官亦不復設成化三年為整飭兵備

事該司禮監太監懷恩等奏該本部議擬復立十二營團聚操練會推大臣一員提督本年四月二十日具題節該奉

憲宗皇帝聖旨太子少保白圭兼兵部尚書不妨部事提督十二營操練欽此成化十一年白圭病故該太監懷恩傳奉

憲宗皇帝聖旨太子少保左都御史王越不妨院事着提督十二營操練人馬欽此以後本部尚書馬文升劉大夏許進閻仲宇劉宇曹元王敞何鑑陸完并今臣瓊俱不妨部事奉

晉溪奏議卷之二

五

勅提督十二團管今給事中翟璜奏要查照景泰天

順成化等年事例添設或尚書侍郎都御史一員為總提督市川在營會同操練不妨以他務不奪以他官無非欲委任專一整飭軍旅之意不為無見但查前項節年事例于謙等俱以本部尚書不妨部事提督內王越以左都御史不妨院事提督今要添設一員專管提督係干事雖重大臣等擅難定擬伏乞

聖裁

二慎選舉以四將材前件查得先為選將領以

實武備事該司禮監太監爾敬題稱閱視京營坐營侯伯都督等官比較馬步弓箭詢其韜畧大意次及大小號頭把總官員一體比較試驗馬步弓箭分別等第量加罰治中間若有年力不堪官員亦就罷黜若仍以每年春秋二次閱視不無太密若用五年一次又恐太疎合無斟酌疎密以後每遇三年之期兵部奏請照例舉行等因正德八年九月二十三日具題節該奉

聖旨是欽此通行欽遵外正德十一年八月扣該三

晉漢奏議卷之二

六

年閱視之期今給事中翟璫奏稱把總以上等官關茸不材者十常八九要行本部尚書會同內外提督大臣嚴加考選把總號頭等官貪墨太甚者盡行汰黜謀勇素著會中武舉者盡行收用遇有分守守備官缺以次推用所言誠為有理但查今年正該閱視之期合無至期本部尚書公同

欽差司禮監太監等官依其所擬照例考選閱視從公進退務令得人遇有員缺照例推用及查坐營坐司侯伯都督等官舊例俱該本部會

同各營提督武臣推舉上請簡用原無會同內外提督考選事例合無亦候閱視之時公同考驗果有馬步弓箭不能開熟戰陣諂畧不知大意素無謀勇應該罷黜者亦就開具奏請定奪

三重伍兵以謹團練前件照得近年各營操練委的徒事虛文全不精銳一遇有警皆不堪用追剿流賊則隨處敗走出征宣大則浪費邊儲給事中翟璫所言深切時弊臣等近日痛懲宿弊天懼誤國會官議推左都督劉暉等預行選練振揚軍威正欲兵將相識有警得用伏乞

晉漢奏議卷之二

七

聖明天語丁寧戒諭劉暉等務要用心揀選嚴加訓練中間合行事宜遵照欽奉

勅內事理着實奉行不許因循顧忌致誤大事

四禁占役以實營伍前件查得先為整飭兵備事成化十九年十一月初六日該司禮監太監懷恩題本部查得京營提督內臣軍伴一百名掌營內臣總兵官各六十名坐營官十五名把總官六名俱於五軍等三大營取撥

又查得成化三年五月二十八日節該欽奉
憲宗皇帝聖旨練兵講武是國家最重的事但承平
日久中間私弊多端有名無實近來將五軍
三千

神機三大營官軍簡選頭等精壯的分為十二營團
操次等的仍留三大營操練慮恐日後人不
知警私弊復生應兵部使出榜禁約自今坐
營把總以下官但役占五名以下者降一級
五名以上者降二級甚者罷職充軍仍發還
速守禦如或各情故縱不舉奏者事發一體

晉溪奏議卷之二

八

治罪不饒欽此欽遵外今照前因合再為申
明役占六名即為五名以上役占一名二名
三名四名俱為五名以下俱照前例降級一
名二名以上積至六名者各通論從重併數
減降數至十名以上此其甚者或罷職或充
軍論罪之日取自

聖裁其提督總兵及點軍等官明知前弊容情故縱
不即舉奏者事發一體叅究題奉

憲宗皇帝聖旨是應部裏便將今定事例出榜去營
內張掛曉諭欽此已經出榜於各營張掛曉

諭欽遵外今給事中翟璜奏要查照前例出
榜曉諭以憑改正遵守合無本部再行申明
行移各營內外提督等官一體欽遵仍要嚴
督各營把總等官但有役占者通行改正
遵守舊例若有仍蹈前轍者聽點軍科道官
訪出指實叅奏

為精兵衛任將官以保障重地事

看得巡按御史王九峯所奏大意謂京師迤南其地
不為不重原設一十九衛除京操外尚有二萬餘人
因無立法以致武備廢弛要添設總兵官一員并連

晉溪奏議卷之二

九

畿荆等關悉聽節制等因無非欲專任將官以興舉
武備之意不為無見但查得興州中屯等一十九衛
內除保定左等五衛京操官軍存留在衛者見該叅
將盧英統領操練外其餘衛分食糧正軍俱各輪班
京操止有舍餘軍餘守城操練數亦不多况無月糧
多不堪調見該本部議擬題准推舉在京堂上官分
投前去京師迤南地方將各衛軍舍餘丁并州縣民
兵通行揀選操練其順天及保定等府巡撫都御史
俱令專一在於邊關防守內外相應俱有倚託今若
於保定添設副總兵一員所管不過見任叅將盧英

之事必須照依前項弘治十八年事例將盧英改調別處萬一新推副總兵猝急未到或雖到號令未得便行軍士聞知參將盧英更替不服號令盧英因而解體兩相訖誤着將盧英就留在彼協同管事不惟查無舊例又恐官多民擾若就將盧英改充副總兵照依先年韓王張勇等責任重其事權但盧英見聽都御史臧鳳節制調度防守邊關一旦改陞副將協同行事非惟盧英心有未安抑恐臧鳳或難駕馭反覆叅詳其在此時猝難施行臣等愚見排難解紛固在乎急速計處而隨機應變尤貴乎整暇有序合無

晉漢奏議卷之二

十

本部行文都御史臧鳳督同盧英照依巡按御史王九峯計慮虜患深意用心籌畫加謹隄防務俾封域慎固郊畿真安軍務事情便且施行待候賊情寧息本部將所奏添設副總兵事宜另議施行其所奏要將保定等處達官軍量行賞勞一節緣彼處達軍委的驍勇可用屢有戰功賞未酬勞今欲防禦虜寇必須獎勵賞勞庶可得其効力合無行與巡撫等官依擬賞勞施行事寧照舊正德十一年七月二十六日具題奉

聖旨是這地方達官達舍既曾為國効勞着巡撫都

御史隨其賞勞他欽此

為修舉近郊武備事

臣等議得京師東西關外原已設有總兵參將守備等官又有都御史臧鳳本于瓚專一整飭近又遣都督傅凱張椿都指揮李琮分路防守頗為有備但郊畿近地雖係臧鳳李瓚兼巡撫見今各官專在沿邊關口往來巡歷顧理不周今年七月十三日虜賊七萬餘騎離宣府城不遠割營縱賊四散搶殺白羊口并西山齋堂等處去京不及一日之程俱報聲息可見點虜有輕視邊鎮之意近聞虜營尚在近邊住牧

晉漢奏議卷之二

十一

未見遠退秋高馬肥大舉深入難保必無近郊武備急宜修舉合無本部會官推舉在京堂上素有才望着實幹事官四員上請

簡命二員一員前去保定具定順德大名廣平五府一員就在順天并永平河間二府專一整飭兵備嚴督所在分守守備兵備府衛等官除臧鳳李瓚所管在關人馬防守民壯并保定參將盧英所領官軍及盧鏗等見選達官軍仍聽臧鳳等管束調用不必干預外其各衛所官軍舍餘并各府州縣原有民兵及平素應充快手等項驍勇人役悉聽選委謀勇官

員用心揀選如法操練若府衛州縣掌印官內有才堪兼領武事者就令不妨原職兼管選練事尤易舉其官軍舍餘并民兵已經精選造定文冊仍令各在原衛所府州縣操守遇整刷期調集方為省便若通州一帶各馬房地方密邇古北口等處邊關真定處山州縣密邇龍泉關等處邊關應該相視要害屯聚官軍民兵以防不測就便從長計議調集防守中間置買什物供給口糧等項本部所擬該載不盡一應事宜悉聽本官便宜施行應具奏者仍須奏請定奪前項軍餘民兵雖為專一防禦慮寇若遇地方盜賊

晉溪奏議卷之二

十二

竊發乘機作亂就便緝捕撫安干碍城池亦聽督修完固凡有合行事宜務須慎重詳審既在武備着實修舉又須處置得宜民無擾害斯稱委任如或鹵莽從事致有乖方顧此失彼逼民外移咎有所歸事寧具奏回京正德十一年七月二十二日具題本月二十三日奉

聖旨是都依擬行地修舉近郊武備的便各會推兩員來看欽此會同太子太傅成國公臣朱輔等太子太保吏部尚書臣陸完等從公推舉得刑部右侍郎馮清都察院右副都御史金獻民俱堪順天等府工

部右侍郎臣無都察院左僉都御史趙璜工部右侍郎俞琳俱堪保奏等府各整飭武備伏乞

聖明於內各

簡命一員照依該部原擬責任請

勅前去欽遵行事如用馮清俞琳仍各量兼職合用巡視整飭武備關防各宜體行移禮部鑄造給用符驗各一道及書吏家人各二名照例查行關領應付正德十一年七月二十五日具題本月二十七日奉聖旨是趙璜着整飭順天等三府武備俞琳兼都察院右僉都御史整飭保定等五府武備各寓勅與他

晉溪奏議卷之二

十三

欽此

為捉獲姦細事

看得紫荊關捉獲姦細人李法順供說姦兒李指揮差來打細要於八月十五日大勢進賊往南搶虜等情臣等覆審本犯所說俱係實情切詳宣大二鎮并山西三關紫荊關居庸關等處關俱各原舊設有邊備近日又節次添設具奏整兵防禦但近年北虜強梁又被姦兒李指揮誘引設使果如姦細所言八月十五日擁眾分道入寇淹鎮各該將臣又如潘浩等束手無策任其縱橫搶殺近來一帶關隘亦如白羊口

守備指揮丘泰等不能阻殺縱放入口又恐整飭邊備御御史臧鳳李璿計慮不早號令不嚴以致各口官軍失守被賊侵入關內倉卒之際將何支持況今京營人馬臣等節次具奏選將練兵尚未舉行且據李法順所供八月十五日即欲入寇事在緊急不可不慮合無本部將解到姦細李法順送都察院收問各另分投馬上差人齎文交與平虜將軍總兵官劉輝等及宣大二鎮總兵官時源潘浩等并鎮守薊州山西副總兵戴欽郭錦等整飭邊備都御史臧鳳李璿等各照節次題准并節奉

晉溪奏議卷之二

十四

勅旨事理比常十分用心整飭調集官軍多方哨探相機戰守如有因循怠忽致慢事機罪不輕貸再乞勅提督團營新寧伯譚祐等上緊照依本部原擬整餉人馬操練聽候及請

勅戶部多方置糧草以備供給正德十一年七月二十八日具題本月二十九日奉

聖旨是都依擬行欽此

為傳奉事

正德十一年七月二十九日早該司禮監太監賴義傳奉

聖旨團營西官廳官軍出差數多見今各邊累奏聲息不絕著兵部同許泰等會議何項人馬以備自應應用欽此欽遵臣等會同監督團營西官廳左都督許泰等議得五軍三千

和機三大營并團營查出本年七月分官軍除差占出哨防守等項一萬六千七百三十二員名做工四萬八千八百八員名外五軍營見在京衛官軍及礮忠効義二營舍餘共四千六百七十五員名外衛官軍一千二百四十九員名三千營見在京衛官軍二千一百六十九員名外衛軍六十七員名

晉溪奏議卷之二

十五

神機營見在京衛官軍四千五十二員名外衛官軍一百九十二員名團營見在京衛官軍四萬六千三百三十三員名外衛見在一千三十三員名以上三大營并團營見在官軍舍餘共五萬九千七百七十五員名俱可以備有警應用除團營見選騎兵一萬五千步兵一萬員名推舉將官管領操練聽用外其餘官軍并三大營見在官軍及五軍營內礮忠効義二營舍餘合無乞

勅各該提督官各整點操練聽候調用合行事宜各另議定奉正德十一年八月初二日具題本月初五